

## Efnisyfirlit

Inngangur – um leikskólann.....	2
Námsskrá .....	2
Starfsáætlun.....	3
Mat á leikskólastarfi og umbótaáætlun.....	4
Innra mat leikskólans.....	4
Ytra mat leikskólans .....	5
Umbótaáætlun samkvæmt niðurstöðum innra og ytra mats.....	5
Áherslur leikskólans fyrir næsta leikskólaár.....	5
Markmið vetrarins í umhverfismálum .....	5
Markmið vetrarins í Art.....	6
Markmið vetrarins í málrækt .....	6
Skipulagsdagar og hefðir.....	6
Starfsþróunaráætlun .....	6
Starfsmannahópurinn.....	7
Barnahópurinn .....	7
Foreldrasamvinna.....	7
Samstarf leik og grunnskóla.....	8

## Inngangur – Um leikskólann

Heilsuleikskólinn Kæríbær er staðsettur á Kirkjubæjarklaustri á stóri og góðri lóð. Kæríbær hóf starfsemi sína í núverandi húsnæði 1. október 1988. Frá upphafi hefur mikil áhersla verið lögð á heilbrigðan lífsstíl og umhverfismennt. Kæríbær flaggaði Grænfánanum fyrstur skóla í Skaftafellssýslum 4. júní 2008. Þann 19. október 2010 var Kæríbær vígður sem Heilsuleikskóli og hefur síðan starfað formlega eftir heilsustefnunni <http://heilsustefnan.skolar.is/Heilsustefnan/>

Viðhaldsvinna. Á árinu 2013 fékkst stöðuleyfi fyrir auka stofu og var henni bætt við leikskólann og nýtt sem inngangur og vagnageymsla. Um leið og inngangurinn færðist til fékkst gott leikrými bæði í gömlu forstofunni og í gamla fataklefanum. Utandyra var grindverkið lagfært, Samkvæmt úttekt Heilbrigðiseftirlits Suðurlands frá 25. september 2013 er eitt og annað sem þarfnast lagfæringar og þarf að forgangsraða verkefnum.

## Námsskrá

Samkvæmt 13. grein laga um leikskóla nr. 90/2008 vinna leikskólar eftir aðalnámskrá fyrir leikskóla. Ný Aðalnámskrá var gefin út af Mennta- og menningarmálaráðuneytinu 2011. Hver og einn leikskóli setur upp sína skólanámskrá þar sem fram kemur á hvern hátt leikskólinn uppfyllir þau viðmið sem þar eru sett fram. Skólanámskráin er aðgengileg á heimasíðu leikskólans <http://www.leikskolinn.is/kaeribaer/>

Einkunarorð leikskólans eru; *Okkar nám er leikur*. Þannig viljum við leggja áherslu á að allt nám sem fram fer í leikskólanum okkar fari fram í gegnum leikinn.

## Starfsáætlun

Eins og kveðið er á um í lögum um leikskóla nr. 90/2008 skulu þeir skila starfsáætlun til viðkomandi rekstraraðila. Þar er jafnframt kveðið á um að starfsáætlun skuli lögð fyrir foreldraráð leikskólans til umsagnar.

Tilgangur starfsáætlunar er að gera skólaþróun leikskólans markvissa með árangursmiðuðum markmiðum og umbótamiðuðu innra mati. Hún á að sýna starfsfólki, foreldrum og rekstraraðilum hvernig starf leikskólans gekk á síðasta leikskólaári og hvernig unnið verði að umbótum og nýjum verkefnum á því næsta. Starfsáætlun leikskólans tekur gildi 1. september ár hvert og skal skilað rafrænt til formanns fræðslunefndar fyrir 1. september. Starfsáætlun er lögð fyrir sveitarstjórn til samþykkrar.

### Í starfsáætlun leikskólans skulu koma fram:

- Matsaðferðir leikskólans og umbótamiðuð áætlun sem unnin er út frá niðurstöðum innra og ytra mats.
- Áherslur í leikskólastarfinu sem ætlunin er að vinna að, markmið, leiðir að markmiðunum og áætlun um hvernig þau verða metin.
- Starfþróunaráætlun leikskólans og upplýsingar um starfsmannamál.
- Fjöldi barna, kynjahlutfall, dvalarstundir, fjöldi barna sem njóta sérkennslu og fjöldi barna af erlendum uppruna.
- Upplýsingar um foreldraráð, foreldrafundi og foreldraviðtöl.
- Skóladagatal fyrir árið.

## **Mat á leikskólastarfi og umbótaáætlun**

Tilgangur innra mats er að leggja faglegan grundvöll að endurbótum í leikskólastarfi og vinna kerfisbundið að því að auka gæði þess og gera það skilvirkara.

Markmið innra mats samkvæmt lögum um leikskóla er að:

- Veita upplýsingar um skólastarf, árangur þess og þróun til fræðsluyfirvalda, starfsfólks leikskóla, viðtökuskóla og foreldra.
- Tryggja að starfsemi leikskóla sé í samræmi við ákvæði laga, reglugerða og aðalnámskrár leikskóla.
- Auka gæði náms og leikskólastarfs og stuðla að umbótum.
- Tryggja að réttindi barna séu virt og að þau fái þá þjónustu sem þau eiga rétt á samkvæmt lögum.

Skólanámskrá leikskólans er skrifleg lýsing á því sem gert er í leikskólanum og á því sem á að gera. Þar koma fram bæði markmið og leiðir leikskólans. Skólanámskrá leikskólans setur því viðmið fyrir matið.

Tilgangur ytra mats er að safna upplýsingum um viðhorf foreldra leikskólabarna og starfsmanna til að nota við innra mat leikskólans.

## **Innra mat leikskólans.**

Á hverjum degi er skráð á töflu í fataklefa viðfangsefni hópanna. Þannig gefst okkur kostur á að fylgjast með því hvort unnið sé að því sem vikáætlun gerir ráð fyrir. Sveftími yngstu barnanna ásamt upplýsingum um matarlyst og hægðir er skráð á þar til gerðum blöðum inni eldhúsi.

Tvisvar á ári, á starfsdegi í apríl og nóvember, eru upplýsingar um stöðu barnanna í hreyfingu, félagsfærini og myndsköpun færðar inni Heilsubók barnsins. Þær upplýsingar eru síðan kynntar foreldrum í viðtölum í beinu framhaldi.

Heilsuleikskólinn Kæríbær

Hljóm-2 (athugun á hljóð- og málvitund leikskólabarna) verður lagt fyrir elstu börnin í byrjun nóvember.

ECERS er viðurkenndur kvarði til að meta leikskólastarf fyrir þriggja til sex ára börn. Hann verður lagður fyrir allt starfsfólk í febrúar 2014.

## **Ytra mat leikskólans**

Foreldrakönnun var unnin í samstarfi leikskólastjóra á Suðurlandi undir leiðsögn Hrafnhildar Karlsdóttur leikskólaráðgjafa. Ekki náðist að leggja hana fyrir eins og til stóð með rafrænum hætti vorið 2013. Skólapúlsinn er fyrirtæki sem hefur unnið foreldrakönnun í samvinnu við leikskólastjóra og sérfræðinga innan Háskóla Íslands. Sú könnun verður lögð fyrir foreldra á vormánuðum 2014 og munu niðurstöður hennar verða birtar í samanburði við aðra leikskóla í landinu að svipaðri stærð.

## **Umbótaáætlun samkvæmt niðurstöðum innra og ytra mats**

Sem fyrr segir náðist ekki að leggja könnun fyrir foreldra með rafrænum hætti síðasta vetur. Stefnt er að því á þessu skólaári. Einnig er stefnt að því að leggja myndrænt mat fyrir elstu börn leikskólans og aðstoða þau við að efla sig í þeirri færni sem þeim er hugleikinn og þau vilja verða góð í. Stefnt verður á að bæta vinnuáðstöðu starfsfólks og möguleika þess á að þróa sig í starfi.

## **Áherslur leikskólans fyrir næsta leikskólaár**

### **Markmið vetrarins í umhverfismálum.**

Markmið vetrarins í umhverfismálum verður sem fyrr endurvinnsla. Viðfangsefnið í verkefninu Skóli á grænni grein er áttugarnir og er markmiðið að kynnast okkar nánasta umhverfi á sem fjölbreyttasta hátt. Viðfangsefnið verða rædd á umhverfisnefndarfundum vetrarins og er aldrei að vita hvert þeir

Heilsuleikskólinn Kæríbær

fundir bera okkur. Sótt verður um úttekt á verkefningu í mars og vonumst við til að fá nýjan fána í júní 2014.

## Markmið vetrarins í Art

Art kennslufnið verður notað í vetur með tveimur elstu árgöngum leikskólans.

## Markmið vetrarins í málrækt

Málrækt á sér stað allan daginn, ekki síst við daglegar athafnir s.s. við matarborðið. Á starfsárinu 2013-2014 verður áfram unnið með Sögugrunn sem námstæki til sögugerðar. Því til viðbótar höfum við námsefnið Leikum og lærum með hljóðin. Fátt er mikilvægara fyrir pesónu-, félags-, og vitsmunapróska einstaklings en að ná góðum tókum á tungumálinu og geta notað það til fjölbreyttra og gefandi samskipta.

## Skipulagsdagar

Skipulagsdagar verða þrjú á skólaárinu 2013-2014. Fyrst er haustþing leikskóla á Suðurlandi á Selfossi 4. október. Hinir tveir skipulagsdagarnir eru 29. nóvember og 25. apríl. Þá daga mun starfsfólk nota til þess að færa skráningar inn í heilsuþækur barnanna.

## Starfsþróunaráætlun

Starfsþróunarsamtöl eru formleg einu sinni á ári og hefjast um miðjan janúar og lýkur þeim um miðjan febrúar. Leikskólastjóri tekur þessi viðtöl, notar eyðublöð til stuðnings og afhendir starfsmönnum tíu dögum áður en viðtalið er tekið.

Leikskólastjóri tekur síðan saman yfirlit og rita báðir aðilar undir og hefst viðtalið á því að farið er yfir það sem rætt var um árinu áður, hvað hefur gengið vel og hvað má ennþá bæta.

## Starfsmannahópurinn

Veturinn 2013-2014 verða þrjár 100% stöður við leikskólann og ein 81.2% staða. Þar inni er stjórnunarpátturinn sem reiknast u.þ.b. 30% og eldhússtörf önnur 30%. Auk þess er starfsmaður í afleysingum og ræstitæknir. Eingöngu leikskólastjóri er með leikskólakennaramenntun og hefur hún að auki framhaldsmenntun í Uppeldis- og menntunarfræðum. Deildarstjóri hefur stúdentspróf og próf í snyrtifræði ásamt því að hafa nokkra starfsreynslu af leikskólum á höfuðborgarsvæðinu. Þriðji starfsmaðurinn hefur lokið stúdentsprófi og búfræðimenntun. Fjórdi starfsmaður hefur lokið hússtjórnarskóla, ferðamálafræði og búfræðinámi. Starfsmaður í afleysingum hefur lokið stúdentsprófi.

## Barnahópurinn

Barnahópurinn haustið 2013 er:

Þrjú börn fædd 2008, sex börn fædd 2009, þrjú börn fædd 2010, tvö börn fædd 2011 og fimm börn fædd 2012. Samtals eru þetta 19 börn 9 drengir og 6 stúlkur. Eitt barn á pólska foreldra. Viðvera barnanna er annars þannig að sjö börn eru með 100% viðveru, þ.e. átta tíma á dag alla daga en hin börnin eru með viðveru á bilinu 50% til 90% í mánuði.

## Foreldrasamvinna

Miðlun upplýsinga til foreldra fer að mestu fram með daglegum samskiptum, á heimasíðu leikskólans, töflu í fataherbergi og með tölvupósti. Heimasíðan er: <http://www.leikskolinn.is/kaeribaer/> Einn foreldrafundur er yfir skólaárið, í september. Við leikskólann starfar foreldraráð með þremur fulltrúum foreldra og er það kosið á foreldrafundi í september. Tilgangur foreldraráðs er að gefa umsagnir til leikskóla og fræðslunefndar um skólanámskrá og aðrar áætlanir sem varða starfsemi leikskólans s.s. starfsáætlun sem þessa. Þá skal ráðið fylgjast með framkvæmd skólanámskrár og annarra áætlana innan leikskólans og kynningu þeirra fyrir foreldrum. Foreldraráð hefur umsagnarrétt um allar meiri háttar breytingar á leikskólastarfi (Lög um leikskóla 90/2008)

Foreldrum er boðið uppá viðtal tvisvar sinnum á ári þar sem m.a. er farið yfir skráningar í Heilsubók barnsins.

Heilsuleikskólinn Kæribær

Foreldrasjóður er við leikskólann og borgar hvert heimili, óháð fjölda barna, 400 krónur í hann fyrir hvern mánuð.

## **Samstarf leik og grunnskóla**

Yngsta stigi grunnskólans er boðið að koma og taka þátt í því að endurvinna pappír ásamt því að vinna á skapandi hátt úr verðlausu efni. Sama dag er farið í ýmsa hreyfileiki enda yfirskrift þessa dags „Sköpun og hreyfing“. Elstu börn leikskólans munu eiga fastan tíma hjá kennara í grunnskóla frá áramótum.

---

Kirkjubæjarklaustri 14.01.2014

Pórunn Júlíusdóttir skólastjóri Heilsuleikskólans Kæribær.